

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა
და ინფრასტრუქტურის კომისიის
სხდომის ოქმი N1

ქ. ლანჩხუთი

18.01.2019 წ

სხდომას ესწრებოდნენ კომისიის წევრები: საკრებულოს სივრცით-ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე.

კომისიის წევრები: ცისანა ურუშაძე, კახა ბოლქვაძე, ოთარ პატიეშვილი, სპარტაკ კვაჭაძე, ზაზა წულაძე, კახა თედორაძე, იოსებ ჩხაიძე, ელისო ჭიჭინაძე, ბესიკ კუპრაძე.

სხდომას არ ესწრებოდნენ კომისიის წევრები: ლელა ჩახვაძე, ამირან ქანთარია, ემზარ თევდორაძე, რეზო კვაჭაძე, აკაკი იმნაიშვილი, ირაკლი მარშანიშვილი.

სხდომის მუშაობაში მონაწილეობდა: ლანჩხუთის მუნიციპალიტეტის საკრებულოს თავმჯდომარე ბესიკ ტაბიძე.

მოწვეული პირები: ლანჩხუთის მუნიციპალიტეტის მერიის სოციალური და ჯანდაცვის სამსახურის მთავარი სპეციალისტი ლელა ცინცაძე, ლანჩხუთის მუნიციპალიტეტის მერიის განათლების ახალგაზრდული სამსახურის უფროსი ია ჩხაიძე.

კომისიის თავმჯდომარემ გიორგი გვარჯალაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ლელა ცინცაძე/

2. „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ლელა ცინცაძე/

3. „ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: ია ჩხაიძე/

4. „ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და

ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: ია ჩხაიძე/

5. სხვადასხვა.

კომისიის თავმჯდომარემ, გიორგი გვარჯალაძემ კენჭი უყარა დღის წესრიგის პროექტს: მომხრე 9; წინააღმდეგი არცერთი.

დღის წესრიგის პირველ საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას გააცნო „ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი.

წარმოდგენილ საკითხთან დაკავშირებით განმარტება გააკეთა მერიის სოციალური და ჯანდაცვის სამსახურის მთავარმა სპეციალისტმა, ლელა ცინცაძემ მან აღნიშნა, რომ ლანჩხუთის მუნიციპალიტეტის 2019 წლის სოციალური პროგრამების პროექტში, სულ წარმოდგენილია 16

სოციალური პროგრამა. ასევე პროექტში დეტალურად არის გაწერილი, თითოეული პროგრამის გაცემისა და მიღებისთვის საჭირო დოკუმენტაციის ჩამონათვალი:

ა. მზრუნველობამოკლებულთა უფასო კვებით უზრუნველყოფის პროგრამა დანართი №1-ის შესაბამისად;

ბ. მრავალშვილიანი ოჯახების დახმარების პროგრამა დანართი №2-ის შესაბამისად;

გ. მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა დანართი №3-ის შესაბამისად;

დ. ომის მონაწილე ვეტერანებისა და მათი ოჯახების დახმარების პროგრამა დანართი №4-ის შესაბამისად;

ე. მოსწავლეთა ტრანსპორტირების პროგრამა დანართი №5-ის შესაბამისად;

ვ. ცენტრ „იავნანას“ თანადაფინანსების პროგრამა დანართი №6-ის შესაბამისად;

ზ. ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა დანართი №7-ის შესაბამისად;

თ. იძულებით გადაადგილებულ პირთა დახმარების პროგრამა დანართი №8-ის შესაბამისად; ი).

სამკურნალო და საოპერაციო ხარჯებით დახმარების პროგრამა დანართი №9-ის შესაბამისად;

კ. მძიმე საცხოვრებელ პირობებში უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა დანართი №10-ის შესაბამისად;

ლ. ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის- დანართი №11-ის შესაბამისად.

მ. ხანდაზმულ (100 და მეტი წლის ასაკის) პირთა დახმარების პროგრამა დანართი №12-ის შესაბამისად.

ნ. უპატრონო მიცვალებულთა სარიტუალო მომსახურების პროგრამა დანართი №13-ის შესაბამისად.

ო. ერთჯერადი სოციალური (ფულადი) დახმარების პროგრამა დანართი №14-ის შესაბამისად.

პ. მედიკამენტების შეძენაზე დახმარების პროგრამა დანართი №15-ის შესაბამისად.

ჟ. შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა.

მერიის სოციალური და ჯანდაცვის სამსახურის მთავარმა სპეციალისტმა, ლელა ცინცაძემ განმარტა, რომ ასეთ გამონაკლის შემთხვევებში დეპუტატების მიერ შემოტანილ უნდა იქნას მომართვა შესაბამის დოკუმენტაციასთან ერთად. მერიის სოციალური და ჯანდაცვის სამსახურის მიერ სოციალურ სააგენტოსთან ერთად მოხდება საკითხის შესწავლა. რის შემდეგაც მუნიციპალიტეტის მერს წარედგინება წინადადებები, რომელიც განიხილავს საკითხს, რადგან საჭიროა შესაბამისი ფინანსური უზრუნველყოფა. საბოლოოდ კი ყველა კრიტერიუმის გათვალისწინებით მოხდება სათანადო გადაწყვეტილების მიღება.

სხდომას შემოუერთდა დეპუტატი ელისო ჭიჭინაძე.

საკრებულოს წევრმა ცისანა ურუშაძემ, აღნიშნა, რომ სოციალურად დაუცველი ადამიანები რომლებსაც გააჩნია სარეიტინგო ქულები, ქრონიკული ავადმყოფობის შემთხვევაში უფასოდ ეძლევათ შესაბამისი მედიკამენტები. მაგრამ ამ ადამიანებს არ ეძლევათ უფასო სხვა წამლები, რომლებიც შეიძლება მათ დასჭირდეთ ახალშეძენილ ავადმყოფობის გამო ასეთ შემთხვევაში სასურველია ამ კატეგორიის ადამიანებისთვის დაემატოს პროგრამის ახალი სახე.

საკრებულოს წევრმა ზაზა წულაძემ გამოთქვა აზრი, რომ თუ კი მუხლში გვაქვს გადაუდებელი დახმარება და მერი არ არის ადგილზე გადაწყვეტილებას უნდა იღებდეს შესაბამისი სამსახური.

კომისიამ მიიღო გადაწყვეტილება: „ლანჩხუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი წევრების მიერ მიღებულ იქნა შენიშვნების გათვალისწინებით.

კომისიის თავმჯდომარემ, გიორგი გვარჯალაძემ კენჭი უყარა განკარგულების პროექტს; მომხრე:10; წინააღმდეგი: არცერთი.

დღის წესრიგის მეორე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას გააცნო „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს

4. მაღალმთიან სოფლებში მცხოვრებ მოსწავლეთა ტრანსპორტით მომსახურების პროგრამის ფარგლებში, ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის მიერ მოწოდებული ინფორმაციის საფუძველზე. პროგრამის განხორციელების აუცილებლობას შეისწავლის მერიის შესაბამისი სამსახური და დასკვნას წარუდგენს მუნიციპალიტეტის მერს. კონკრეტული სოციალური პროგრამიდან დახმარების დასანიშნად ან მისაღებად დაინტერესებულმა პირმა განცხადებას უნდა დაურთოს შემდეგი დოკუმენტაცია: ა) მზრუნველობამოკლებულთა უფასო კვებით უზრუნველყოფის პროგრამა - განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან, რომ არის სოციალურად დაუცველი და შეზღუდული შესაძლებლობების მქონე. ბ) მრავალშვილიანი ოჯახების დახმარების პროგრამა - განცხადება, მშობლების პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ბავშვების დაბადების მოწმობების ასლები, მშობლების ქორწინების მოწმობის ასლი, ერთ-ერთი მშობლის საბანკო ანგარიში და სოციალური სააგენტოდან სარეიტინგო ქულის ამონაწერი. გ) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა - განცხადება, ცნობა, რომ ბენეფიციარს არ აქვს საცხოვრებელი ფართი, სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, განმცხადებლის და საცხოვრებელი ფართის მეპატრონის პირადობის მოწმობის ან პასპორტის ასლი, განმცხადებლის სამოქალაქო რეესტრის სააგენტოდან საინფორმაციო ბარათი, ფართის მეპატრონის ამონაწერი საჯარო რეესტრიდან, ბენეფიციარსა და საცხოვრებელი ფართის მეპატრონეს შორის გაფორმებული ქირავნობის ხელშეკრულება და საცხოვრებელი ფართის მეპატრონის ბანკის ანგარიში. დ) ომის მონაწილე ვეტერანებისა და მათი ოჯახების დახმარების პროგრამა - განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან სარეიტინგო ქულის შესახებ, ვეტერანობის დამადასტურებელი მოწმობის ასლი, გარდაცვალების მოწმობის ასლი, საბანკო ანგარიში. ე) მოსწავლეთა ტრანსპორტირების პროგრამა-მუნიციპალიტეტის მერსა და ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის პრორექტორს შორის გაფორმებული შეთანხმების აქტი; პრორექტორის მიერ თანხის ყოველთვიური მოთხოვნა. ვ) ცენტრ „იავნანას“ თანადაფინანსების პროგრამა - კომუნალური ხარჯების, ჰიგიენისა და ყოველდღიური მოხმარების საგნების თანხის კალკულაციის წარმოდგენა; ზ) ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა - განცხადება, ცნობა ჯანმრთელობის მდგომარეობის შესახებ ფორმა 100, ბენეფიციარის ან ოჯახის წევრის საბანკო ანგარიში და პირადობის მოწმობის ან პასპორტის ასლი, ბენეფიციარის სამოქალაქო რეესტრის სააგენტოდან საინფორმაციო ბარათი. თ) იძულებით გადაადგილებულ პირთა დახმარების პროგრამა-განცხადება, პირადობის მოწმობის ან

პასპორტის ასლი, დევნილის მოწმობის ასლი და საბანკო ანგარიში. ი) სამკურნალო და საოპერაციო ხარჯებით დახმარების პროგრამა - ბენეფიციარმა ან მისმა ოჯახის წევრმა მუნიციპალიტეტში უნდა წარმოადგინოს: განცხადება; სამკურნალო დაწესებულების ანგარიშ-ფაქტურა და კალკულაცია; განმცხადებლის (პაციენტის) პირადობის მოწმობის ასლი (სამოქალაქო რეესტრის სააგენტოდან საინფორმაციო ბარათი); ცნობა სოციალური მომსახურების სააგენტოდან სარეიტინგო ქულის შესახებ(პროგრამით ისარგებლებენ 0-დან 150000 სარეიტინგო ქულის მქონე ბენეფიციარები); ცნობა ჯანმრთელობის მდგომარეობის შესახებ (ფორმა 100, დედანი); ცნობა დაზღვევის ფარგლებში დაფინანსების ოდენობის ან დაფინანსებაზე უარის თქმის შესახებ; ანაზღაურება მოხდება უნაღლო ანგარიშსწორების ფორმით, სამედიცინო დაწესებულების შესაბამის ანგარიშზე, გაწეული სამედიცინო მომსახურების დამადასტურებელი დოკუმენტის წარმოდგენის შემდეგ. შენიშვნა: ისეთ განსაკუთრებულ შემთხვევებში, როგორცაა სასწრაფო (გადაუდებელი) სამედიცინო ოპერაციების, სასწრაფო (გადაუდებელი) სამედიცინო კვლევების თანადაფინანსება, ასევე არაპროგრამული რეფერალური მომსახურება უნაღლო ანგარიშსწორებით (ინვოისით წარმოდგენილი ასანაზღაურებელი თანხა არაუმეტეს 400 ლარისა) - რომელიც არ ჯდება მერის თანადაფინანსების პროგრამაში, მერის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშე. კ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის დახმარების პროგრამა -განცხადება, ბენეფიციარის ან ოჯახის წევრის საბანკო ანგარიში, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), სივრცითი მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; „სოციალურად დაუცველი ოჯახების მონაცემთა ერთიან ბაზაში“ ოჯახისათვის მინიჭებული სარეიტინგო ქულის ამონაწერი; სსიპ „სოციალური მომსახურების სააგენტოს“ მიერ გაცემული შესაბამისი მიმართვა (ასლი) ან ცნობა; ბენეფიციარის საბანკო ანგარიში. გადაწყვეტილება მიიღება მერის ბრძანებით შექმნილი კომისიის მიერ. ლ) ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის-ორგანიზაციის მიერ წარმოდგენილ პროგრამებზე გახარჯული თანხის კალკულაციის წარმოდგენა და საბანკო ანგარიში. მ) ხანდაზმულ (100 და მეტი წლის ასაკის) პირთა დახმარების პროგრამა-განცხადება, პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში. ნ) უპატრონო მიცვალებულთა სარიტუალო მომსახურების პროგრამა-განცხადება, მერის წარმომადგენლისა და მაჟორიტარი დეპუტატის (საკრებულოს წევრის) შუამდგომლობა; გარდაცვალების მოწმობის ასლი, საბანკო ანგარიში. ო) ერთჯერადი სოციალური (ფულადი) დახმარების პროგრამა- განცხადება, განმცხადებლის (ბენეფიციარის)

პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის(საკრებულოს წევრის) შუამდგომლობა; სსიპ „სოციალური მომსახურების სააგენტოს“ მიერ გაცემული შესაბამისი მიმართვა ან დასკვნა. მარტოხელა მშობლის სტატუსის დამადასტურებელი დოკუმენტი. გადაწყვეტილება მიიღება მერის ბრძანებით შექმნილი კომისიის მიერ. ვ) მედიკამენტების შეძენაზე დახმარების პროგრამა-განცხადება, განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა №IV-100/ა); სამედიცინო დაწესებულების/ავთიაქის მიერ სამედიცინო მომსახურების შესახებ გაცემული ანგარიშ-ფაქტურა; ცნობა სარეიტინგო ქულის შესახებ. (ომის ვეტერანები თავისუფლდებიან სარეიტინგო ქულის წარმოდგენისაგან) თანხა ჩაირიცხება შესაბამისი სამედიცინო დაწესებულების/ავთიაქის საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) საფუძველზე. პროგრამით ისარგებლებენ ის ოჯახები რომელთა სარეიტინგო ქულა 65001-დან არ აღემატება 150000-ს. გადაწყვეტილება მიიღება მერის ბრძანებით შექმნილი კომისიის მიერ. ე) შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა-განმცხადებლის (ბენეფიციარის) პირადობის მოწმობის ან პასპორტის ასლი(სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა) სამკურნალო დაწესებულების ანგარიშ-ფაქტურა. თანხა ჩაირიცხება შესაბამისი სამედიცინო დაწესებულების საბანკო ანგარიშზე, წარმოდგენილი ანგარიშ-ფაქტურის შესაბამისად. მუნიციპალიტეტის მერის ინდივიდუალური ადმინისტრაციულ-სამართლებრივი აქტის (ბრძანების) საფუძველზე. გადაუდებელ შემთხვევაში, როდესაც აუცილებელია დახმარების გაცემა, მაგრამ დაყოვნებამ შეიძლება სავალალო შედეგები გამოიწვიოს, დახმარება შეიძლება გაიცეს სამსახურის დასკვნის გარეშეც, ლანჩხუთის მუნიციპალიტეტის მერის ბრძანებით.

საკრებულოს წევრი ზაზა წულაძე დაინტერესდა, შესაძლებელია თუ არა იმ ბენეფიციარებისათვის, რომელთაც ესაჭიროება ოპერაციული ჩარევა და განსაზღვრული აქვთ 0-დან 150 000-მდე სარეიტინგო ქულა, გაეზარდოთ ამ ქულების ნიშნული. ის ასევე დაინტერესდა ფინანსურად რამდენად შესაძლებელია იმ მოქალაქეებისათვის, რომელთა სარეიტინგო ქულა მედიკამენტებით დახმარების პროგრამით განსაზღვრულია 65 001-დან 150 000-მდე გაეზარდოთ ზედა ზღვარი ან საერთოდ ამოღებული იქნას ქულა. მერიის სოციალური და ჯანდაცვის სამსახურის მერიის სოციალური და ჯანდაცვის სამსახურის მთავარმა სპეციალისტმა, ლელა ცინცაძემ განმარტებით სამკურნალო და საოპერაციო ხარჯებით დახმარების პროგრამაში შენიშვნის სახით არის მოცემული, რომ ისეთ განსაკუთრებულ შემთხვევებში, როგორცაა სასწრაფო (გადაუდებელი) სამედიცინო ოპერაციების, სასწრაფო (გადაუდებელი) სამედიცინო კვლევების თანადაფინანსება, ასევე არაპროგრამული რეფერალური მომსახურება უნაღდო

ანგარიშსწორებით (ინვოისით წარმოდგენილი ასანაზღაურებელი თანხა არაუმეტეს 400 ლარისა) - რომელიც არ ჯდება მერიის თანადაფინანსების პროგრამაში, მერიის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშე. აგრეთვე, გადაუდებელ შემთხვევაში, როდესაც დაყოვნებამ შეიძლება სავალალო შედეგები გამოიწვიოს, დახმარება შეიძლება გაიცეს სამსახურის დასკვნის გარეშე, ლანჩხუთის მუნიციპალიტეტის მერიის ბრძანებით.

კომისიის თავმჯდომარემ, გიორგი გვარჯალაძემ აღნიშნა, რომ „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტთან დაკავშირებით კომისიის წევრებს შეუძლიათ გამოთქვან და დააფიქსირონ თავიანთი მოსაზრება, შენიშვნები და წინადადებები.

საკრებულოს წევრმა ცისანა ურუშაძემ აღნიშნა, რომ ვითხოვ სიას ვისაც აძლევენ ეთჯერად დახმარებას.

კომისიამ მიიღო გადაწყვეტილება: „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა დადგენილების პროექტს; მომხრე: 10 ; წინააღმდეგი: არცერთი.

დღის წესრიგის მესამე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას გააცნო „ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი.

„ლანჩხუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულო განკარგულების პროექტი სხდომას გააცნო ლანჩხუთის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ მან აღნიშნა, რომ განათლების, კულტურის, სპორტისა და ახალგაზრდულ საქმეთა სამსახურის საქმიანობის გამარტივებისა და შედეგიანობის ამაღლების მიზნით მიზანშეწონილი იქნება, თუ წარმოდგენილი პროგრამა დამტკიცდება საკრებულოს მიერ განკარგულებით. პროექტში თითოეული პროგრამისა და ქვეპროგრამის მიზნობრიობა დეტალურადაა გაწერილი:

1. განათლების ხელშეწყობის პროგრამა დანართი N1-ის შესაბამისად. ა) ინტელექტუალური და შემეცნებითი პროექტების თანადაფინანსების ქვეპროგრამა. ბ) განათლების სფეროში მოღვაწე წარმატებული ადამიანების წახალისების ქვეპროგრამა. გ) ტრანსპორტირების ქვეპროგრამა.

2. კულტურის ღონისძიებების პროგრამა დანართი N2-ის შესაბამისად. ა) კულტურული ღონისძიებების ორგანიზების ქვეპროგრამა. ბ) კულტურისა და ხელოვნების სფეროში მოღვაწე წარმატებული ადამიანებისა და შემოქმედებითი კოლექტივების წახალისების ქვეპროგრამა. გ) ტრანსპორტირებით დახმარების ქვეპროგრამა. დ) კულტურული მემკვიდრეობის დაცვისა და შენარჩუნების ქვეპროგრამა. ე) კულტურული პროექტების თანადაფინანსების ქვეპროგრამა.

3. სპორტული ღონისძიებების პროგრამა დანართი N3-ის შესაბამისად. ა) საჩუქრების და პრიზების შეძენის ქვეპროგრამა. ბ) წარმატებული, ახალგაზრდა, ვეტერანი და ღვაწლმოსილი სპორტსმენებისა და მწვრთნელების წახალისების ქვეპროგრამა. გ) ახალგაზრდული სპორტული ტურნირების მხარდაჭერის ქვეპროგრამა. დ) სასკოლო სპორტული ოლიმპიადის და სპორტი ბარიერების გარეშე ჩატარების ქვეპროგრამა. ე) ტრანსპორტირებით მხარდაჭერის ქვეპროგრამა.

4. ახალგაზრდობის მხარდაჭერის პროგრამა დანართი N4-ის შესაბამისად. ა) ახალგაზრდული პროექტების თანადაფინანსების ქვეპროგრამა. ბ) შ.შ.მ. ახალგაზრდების საზოგადოებაში ინტეგრაციის პროგრამა. ლანჩხუთის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ განმარტა, რომ კულტურის ღონისძიებების პროგრამაში ჩართეს ახალი მოცემულობა-„ლანჩხუთობის სახალხო დღესასწაული“-ს აღნიშვნა, სადაც წარმოჩენილი იქნება მთელი მუნიციპალიტეტი თავისი ადმინისტრაციული ერთეულებით. დღესასწაული ჩატარდება ოქტომბრის თვის მეორე ნახევარში და ჩამოვლენ ლანჩხუთიდან წასული წარმატებული ადამიანები. ტრადიციული „ლელო“-ს დღესასწაული ჩვეულ რეჟიმში გაგრძელდება. ასევე არის რეგიონალური ფესტივალი „ბახმარო სანსეტი“, რომელიც შარშან ჩატარდა და იყო ძალიან შთამბეჭდავი.

საკრებულოს დეპუტატმა სპარტაკ კვაჭაძემ გამოთქვა აზრი თუ კი აღსდგება „ეგნატეობა“ არ იქნება ურიგო. მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა ია ჩხაიძემ თუ კი იქნება თანხა გამოყოფილი რომ აღდგეს სახალხო დღესასწაული „ეგნატეობა“, რომელიც მუნიციპალიტეტში წლების განმავლობაში აღინიშნებოდა ცუდი არ იქნება.

კომისიამ მიიღო გადაწყვეტილება: „ლანჩხუთის მუნიციპალიტეტის 2019 წლის ბიუჯეტიდან სოციალურ-კულტურულ ღონისძიებათა პროგრამების დაფინანსების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა დადგენილების პროექტს;

მომხრე:10; წინააღმდეგი არცერთი.

დღის წესრიგის მეოთხე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ სხდომას გააცნო „ლანჩუთის მუნიციპალიტეტის 2019 წლის ბიუჯეტიდან სოციალურ-კულტურულ ღონისძიებათა პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი. წარმოდგენილი საკითხის შესახებ ისაუბრა ია ჩხაიძემ. მან აღნიშნა, რომ ეს წესი არეგულირებს ლანჩუთის მუნიციპალიტეტის ბიუჯეტის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამების, დაფინანსების მიზნით გამოყოფილი თანხიდან განათლების, კულტურის და სპორტის სფეროში მოღვაწე წარმატებული ადამიანების დაჯილდოების, ინტელექტუალურ-შემეცნებითი, კულტურული და ახალგაზრდული პროექტების თანადაფინანსების წესს. წარმატებული სპორტსმენის, მწვრთნელის, ღვაწლმოსილი ვეტერანი სპორტსმენის დაჯილდოება:

1. წარმატებული სპორტსმენის ფულადი ჯილდოს ოდენობა განისაზღვროს შემდეგი სახით: ა) საქართველოს ჩემპიონატის I ადგილი - 400 ლარი, II ადგილი - 300 ლარი, III ადგილი - 200 ლარი; ბ) ევროპის ჩემპიონატის I ადგილი - 600 ლარი, II ადგილი - 400 ლარი, III ადგილი - 300 ლარი; გ) მსოფლიო ჩემპიონატის I ადგილი - 800 ლარი, II ადგილი - 600 ლარი, III ადგილი - 400 ლარი; დ) ოლიმპიური თამაშების I ადგილი - 1000 ლარი, II ადგილი - 800 ლარი, III ადგილი - 600 ლარი;

2. წარმატებული სპორტსმენის მწვრთნელის ფულადი ჯილდოს ოდენობა განისაზღვროს შემდეგი სახით: ა) საქართველოს ჩემპიონატის I ადგილი - 300 ლარი, II ადგილი - 200 ლარი, III ადგილი - 100 ლარი; ბ) ევროპის ჩემპიონატის I ადგილი - 500 ლარი, II ადგილი - 300 ლარი, III ადგილი - 200 ლარი; გ) მსოფლიო ჩემპიონატის I ადგილი - 600 ლარი, II ადგილი - 400 ლარი, III ადგილი - 300 ლარი; დ) ოლიმპიური თამაშების I ადგილი - 1000 ლარი, II ადგილი - 800 ლარი, III ადგილი - 600 ლარი;

3. წარმატებული გუნდის ფულადი ჯილდოს ოდენობა განისაზღვროს შემდეგი სახით: საქართველოს ოფიციალური ჩემპიონატის I-ადგილი 1000 ლარი, II-ადგილი 700 ლარი, III-ადგილი 500 ლარი.

4. ღვაწლმოსილი ვეტერანი სპორტსმენის ფულადი ჯილდოს ოდენობა განისაზღვროს საბიუჯეტო წლის მანძილზე ერთჯერადად გასაცემი თანხით 300 ლარის ოდენობით. წარმატებული მოსწავლე/ახალგაზრდის დაჯილდოება:

1. წარმატებული მოსწავლე/ახალგაზრდის ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი -100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი - 200 ლარი;

2. მედია-პროექტის ფინანსისტების ფულადი ჯილდოს ოდენობა განისაზღვროს შემდეგი ოდენობით: ა) მედია- პროექტის გამარჯვებული I ადგილი - 500 ლარი;

3. სკოლის ოქროსა და ვერცხლის მედალოსანი მოსწავლეების ფულადი ჯილდოს ოდენობა განისაზღვროს შემდეგი სახით: ა) ოქროს მედალოსანი მოსწავლე - 300 ლარი; ბ) ვერცხლის მედალოსანი მოსწავლე - 200 ლარი;

4. ერთიან ეროვნულ და საერთო სამაგისტრო გამოცდებზე მოპოვებული 100% გრანტის მფლობელთა ფულადი ჯილდო განისაზღვროს შემდეგი ოდენობით: ა) ერთიან ეროვნულ გამოცდებზე მოპოვებული 100% გრანტის მფლობელი - 1 000 ლარი; ბ) საერთო სამაგისტრო გამოცდებზე მოპოვებული 100% გრანტის მფლობელი - 1 000 ლარი. ხელოვნების სხვადასხვა ჟანრის ინდივიდუალური შემსრულებლების, ხელოვნების წარმომადგენლობების, შემოქმედებითი დასების ხელმძღვანელი პირების დაჯილდოება:

1. ხელოვნების სხვადასხვა ჟანრის ინდივიდუალური შემსრულებლების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 200 ლარი;

2. ხელოვნების წარმომადგენლობების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 800 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 1000 ლარი;

3. შემოქმედებითი დასების ხელმძღვანელი პირების ფულადი ჯილდოს ოდენობა განისაზღვროს შემდეგი სახით: ა) საქართველოს მასშტაბით ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 100 ლარი; ბ) საერთაშორისო ფესტივალ-კონკურსებზე გამარჯვების შემთხვევაში I ადგილი ან/და საპატიო წოდების მინიჭება - 200 ლარი. ინტელექტუალურ-შემეცნებითი, კულტურული და ახალგაზრდული პროექტების თანადაფინანსება ინტელექტუალურ-შემეცნებითი, კულტურული და ახალგაზრდული პროექტების თანადაფინანსების ოდენობა განისაზღვროს არაუმეტეს 1000 ლარისა.

კომისიამ მიიღო გადაწყვეტილება: „ლანჩუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი „ლანჩუთის მუნიციპალიტეტის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა განკარგულების პროექტს;

მომხრე:10 ; წინააღმდეგი: არცერთი.

5. სხვადასხვა:


1. კომისიის თავმჯდომარემ გიორგი გვარჯალაძემ კომისიას გააცნო ლანჩხუთის მუნიციპალიტეტის თავისუფლების ქუჩის მცხოვრებთა 16 იანვრის N13 განცხადება, რომლითაც ირკვევა, რომ დაზიანებულია დასახელებული ქუჩის გზის საფარი, ტროტუარის და სანიაღვრე არხები. აღნიშნული განცხადება გადაეგზავნა შემდგომი რეაგირებისთვის მუნიციპალიტეტის მერიას.

2. საკრებულოს წევრმა ცისანა ურუშაძემ, აღნიშნა, რომ გვიმბალაურის ადმინისტრაციულ ერთეულში ბენზინგასამართ სადგურის „SOKAR“-ის მიმდებარე ტერიტორიაზე მოხდეს არსებული სკვერის რეკონსტრუქცია.

3. საკრებულოს წევრმა ელისო ჭიჭინაძის აღნიშნა, რომ რელიგიის ხელშეწყობის პროგრამით გათვალისწინებული გვაქვს 40 ათასი ლარი, საიდანაც სასურველია ნახევარი მაინც დაიხარჯოს მუნიციპალიტეტის სოფლებში ეკლესიების მშენებლობაზე, ან უმჯობესია აღნიშნული თანხა გადაეცეს სოციალურად დაუცველ პირებს.

ამით კომისიამ მუშაობა დაასრულა.

საკრებულოს სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე:



/გიორგი გვარჯალაძე/

ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და
ინფრასტრუქტურის კომისია

2800 ლანჩხუთი, კოსტავას 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა
და ინფრასტრუქტურის კომისიის

სხდომის დასკვნა N1

ქ.ლანჩხუთი

18.01.2019 წ.

2019 წლის 18 იანვარს მოწვეული იქნა ლანჩხუთის მუნიციპალიტეტის
საკრებულოს სივრცით-ტერიტორიული დაგეგმარებისა და ინფრასტრუქტურის
კომისიის სხდომა.

სხდომამ განიხილა დღის წესრიგით გათვალისწინებული საკითხი:

1. „ლანჩხუთის მუნიციპალიტეტის 2019 წლის ბიუჯეტიდან სოციალური დახმარების
გაცემისა და მიღების წესის დამტკიცების შესახებ“ ლანჩხუთის მუნიციპალიტეტის
საკრებულოს დადგენილების პროექტის განხილვის თაობაზე.
2. „ლანჩხუთის მუნიციპალიტეტის 2019 წლის სოციალური პროგრამების
დამტკიცების შესახებ“ ლანჩხუთის მუნიციპალიტეტის საკრებულოს განკარგულების
პროექტის განხილვის თაობაზე.
3. „ლანჩხუთის მუნიციპალიტეტის 2019 წლის სოციალურ-კულტურული
ღონისძიებების-განათლების ხელშეწყობის, კულტურის ღონისძიებების, სპორტული
ღონისძიების და ახალგაზრდობის მხარდაჭერის პროგრამების დამტკიცების შესახებ“
ლანჩხუთის მუნიციპალიტეტის საკრებულოს განკარგულების პროექტის განხილვის
თაობაზე.
4. „ლანჩხუთის მუნიციპალიტეტის 2019 წლის სოციალურ-კულტურული
ღონისძიებების-განათლების ხელშეწყობის, კულტურის ღონისძიებების, სპორტული
ღონისძიების და ახალგაზრდობის მხარდაჭერის პროგრამებიდან დაფინანსების მიზნით
გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის
საკრებულოს დადგენილების პროექტის განხილვის თაობაზე.

დღის წესრიგის პირველ საკითხზე კომისიის წევრების მიერ გამოთქმული იქნა
შენიშვნები:

1. სოციალურად დაუცველი ადამიანები, რომლთა სარეიტინგო ქულა არის 65 000-მდე,
ქრონიკული ავადმყოფობის შემთხვევაში უფასოდ ეძლევათ შესაბამისი მედიკამენტები,
მაგრამ ამ ადამიანებს არ ეძლევათ საშუალება ისარგებლონ მუნიციპალიტეტის მიერ

დამტკიცებული სოციალური პროგრამით და ვერ სარგებლობენ წამლებით, რომლებიც შეიძლება მათ დასჭირდეთ ახალშემენილი ავადმყოფობის გამო. სასურველია სარეიტინგო ქულების ოდენობა დარეგულირდეს.

2. ბენეფიციარები, რომელთაც ესაჭიროება ოპერაციული ჩარევა და განსაზღვრული აქვთ 0-დან 150 000-მდე სარეიტინგო ქულა, გაეზარდოს ამ ქულების ნიშნული.

სხდომამ მიიღო გადაწყვეტილება: „ლანჩუთის მუნიციპალიტეტის 2019 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი შენიშვნების გათვალისწინებით გადაეცეს საკრებულოს სხდომას განსახილველად.

დღის წესრიგის მეორე საკითხზე „ლანჩუთის მუნიციპალიტეტის 2019 წლის სოციალური პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მესამე საკითხზე კომისიის წევრების მიერ შენიშვნები არ გამოთქმულა სხდომამ მიიღო გადაწყვეტილება „ლანჩუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მეოთხე საკითხზე კომისიის წევრების მიერ შენიშვნები არ გამოთქმულა სხდომამ მიიღო გადაწყვეტილება „ლანჩუთის მუნიციპალიტეტის 2019 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი წარმოდგენილი სახით გადაეცეს საკრებულოს სხდომას განსახილველად.

საკრებულოს სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე

გიორგი გვარჯალაძე

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის სარეგისტრაციო ფურცელი.

სარეგისტრაციო ფურცელი

18.01.2019 წ.

	სახელი, გვარი	დაწყების დრო	ხელმოწერა
1.	გიორგი გვარჯალაძე	15.48.	<i>გ. გვარჯალაძე</i>
2.	ცისანა ურუშაძე	16 ⁰⁵	<i>ც. ურუშაძე</i>
3.	კახა ბოლქვაძე	16 ⁰⁰	<i>კ. ბოლქვაძე</i>
4.	ბესიკ კუპრაძე	15.57	<i>ბ. კუპრაძე</i>
5.	ოთარ პატიეშვილი	16 ⁰⁰	<i>ო. პატიეშვილი</i>
6.	სპარტაკ კვაჭაძე	15.58	<i>ს. კვაჭაძე</i>
7.	ლელა ჩახვაძე	—	sh ესწესბოდა
8.	ზაზა წულაძე	16 ⁰⁰	<i>ზ. წულაძე</i>
9.	რეზო კვაჭაძე		sh ესწესბოდა
10.	კახა თედორაძე	15.55	<i>კ. თედორაძე</i>
11.	იოსებ ჩხაიძე	15.50	<i>ი. ჩხაიძე</i>
12.	ემზარ თევდორაძე	—	sh ესწესბოდა
13.	ამირან ქანთარია	—	sh ესწესბოდა
14.	ელისო ჭიჭინაძე	16.10 =	<i>ე. ჭიჭინაძე</i>
15.	აკაკი იმნაიშვილი	—	sh ესწესბოდა
16.	ირაკლი მარშანიშვილი	—	sh ესწესბოდა